



CONCELLO DE VIGO
Secretaría de Goberno Local

D^a. PATRICIA RODRÍGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ORDINARIA do 28 de XUÑO de 2024**, adoptou o seguinte acordo:

10.- RECTIFICACIÓN DE ACORDO RELATIVO Á RESOLUCIÓN DA CONVOCATORIA DE SUBVENCIÓNS PARA O DESENVOLVEMENTO DE FESTAS TRADICIONAIS, PATRONAIS, GASTRONÓMICAS, E ACTIVIDADES SOCIOCULTURAI PERÍODO 2022-2023 E OUTORGAMENTO DA SUBVENCIÓN SOLICITADA. EXPTE. 9712/335.

Visto o informe xurídico de data 02/05/2024 e o informe de fiscalización do 19/06/2024, sométese a aprobación o informe-proposta de data 18/04/2024, asinado polo enxeñeiro industrial e conformado polo concelleiro da Área de Goberno, que di o seguinte:

ANTECEDENTES

1. Con data 11 de maio de 2023 apróbbase pola Xunta de Goberno Local as bases reguladoras, convocatoria e extracto de subvencións para o desenvolvemento de Festas Tradicionais, Patronais, Gastronómicas e Actividades Socioculturais período 2022 - 2023 (expte. 9712/335). A cantidade destinada á presente convocatoria ascende a 239.000 € con cargo a partida 3380.489.0000 do programa de Festas para o vixente exercicio.

2. Con data, 18 de maio de 2023 foron publicadas no BOPPO as bases reguladoras da concesión das subvencións do servizo de Festas para Festas Tradicionais e Patronais e desenvolvemento de actividades Socioculturais período 2022-2023. O prazo de presentación de solicitudes foi de 15 días hábiles, que comezou ao día seguinte da publicación do extracto no BOPPO, sendo o inicio o 23 de xuño e o remate o 13 de xullo de 2023, ambos os dous incluídos.

3. A instrución do procedemento de concesión das subvencións convocadas foi levado a cabo polo servizo de Festas, que unha vez revisadas as solicitudes e de acordo co estipulado na base oitava (instrución) solicitaron aos/as interesados/as para que nun prazo de dez días, completaran a documentación ou os defectos materiais e formais e achegaran os documentos perceptivos.

4. Unha vez rematada a instrución do expediente, foi remitido á Comisión de Avaliación que se reúne ás 09:00 horas do día 5 de decembro de 2023 na planta segunda do Concello de Vigo, e que está integrada polo Concelleiro Delegado da Área de Parques e Xardíns, Comercio, Participación Cidadá e Festas Especiais, D. Ángel Rivas González que actúa como presidente; e por D. Álvaro Crespo Casal como vogal e Antía Mosquera González como secretaria.

5. Co fin de valorar a documentación relativa as subvencións que é preciso emendar, a Comisión de Avaliación reúnese ás 09:00 horas do día 3 de abril de 2024 na planta segunda do Concello de Vigo, e que está integrada polo Concelleiro Delegado da Área de Parques e Xardíns, Comercio, Participación Cidadá e Festas Especiais, D. Ángel Rivas González que actúa como presidente; e por D. Álvaro Crespo Casal como vogal e Antía Mosquera González como secretaria.



Copia do documento - Concello de Vigo	Data impresión: 03/07/2024 16:29	Páxina 1 de 4
SUBVENCIONS	CSV: A7A25E-BHAB47-B9AAEC-WDTW3T-LNE7Y6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Procédese a revisión da documentación presentada pola Asociación Veciñal Cultural e Deportiva de Cabral e compróbase que a entidade cumpren cos requisitos necesarios para acceder ás subvencións solicitadas.

A devandita entidade, mediante documento 240086080 de data 14/03/24, indica que en prazo presentou solicitude para o festival UNDER CABRAL 2023, xunto con dúas actividades máis, e que desta última non recibiu indicación de subvención concedida.

A subvención da Liña 2.- Actividades socioculturais e relacionadas coas artes escénicas. O número máximo de festas, programas ou actividade a presentar por cada entidade a este concepto a subvencionar é de DOUS (2). A entidade, solicitara:

- Con data 11 de xullo de 2023 (doc. Núm. 230208829) solicita acollerse á subvención dentro da Liña 2:
 Liña 2.1.- Fogueira de San Xoan (importe solicitado 1.000,00 €)
 Liña 2.2.- XXXIII Festa do Socio (importe solicitado 3.000,00 €)
- Con data 13 de xullo de 2023 (doc. núm. 230210726) presentan Anexo I rectificado solicitando acollerse á subvención dentro da Liña 2 da seguinte forma:
 Liña 2.1.- UNDER CABRAL 2023 (importe solicitado 3.000,00 €)
 Liña 2.2.- Fogueira de San Xoan (importe solicitado 1.000,00 €)
 Liña 2.2.- XXXIII Festa do Socio (importe solicitado 3.000,00 €)

7. Revisada a documentación, advírtese un erro no outorgamento da subvención do ano 2023 á Asociación Veciñal, Cultural e Deportiva de Cabral, ao non ter en conta a rectificación presentada, por canto:

Onde dicía:

“Liña 2: Actividades Socioculturais relacionadas coas artes escénicas (...):

Expte.	ENTIDADE	CIF	Programa	Importe subvención
9896-335	Asoc. Veciñal Cultural e Deportiva de Cabral	G36651073	Fogueira de San Xoan XXXIII Festa do Socio	782,92 € 840,91 €

Debería dicir:

“Liña 2: Actividades Socioculturais relacionadas coas artes escénicas (...):

Expte.	ENTIDADE	CIF	Programa	Importe subvención
9896-335	Asoc. Veciñal Cultural e Deportiva de Cabral	G36651073	UNDER CABRAL 2023 Fogueira de San Xoan XXXIII Festa do Socio	913,40 € 782,92 € 840,91 €

8. No acordo da XGL do 16/02/2024 no que non se incluía este importe de 913,40 euros, preveuse un gasto da *Liña 2: Actividades Socioculturais relacionadas coas artes escénicas*, por un total de 36.657,24 €, polo que este gasto non previsto debe ser aprobado, previa fiscalización da Intervención Municipal.

A cuantía individualizada que lle corresponde á entidade **Asociación Veciñal, Cultural e Deportiva de Cabral** conforme á Base Décimo Primeira é



Copia do documento - Concello de Vigo	Data impresión: 03/07/2024 16:29	Páxina 2 de 4
SUBVENCIONS	CSV: A7A25E-BHAB47-B9AAEC-WDTW3T-LNE7Y6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

Programa de actividade	Puntuación total obtida	Importe por puntos	Presuposto (ive incluido)	75% Presuposto (ive incluido)	Importe solicitado	Cuantía subvencionable	% subvencionable respecto do solicitado
Fogueira de San Xoan (xa outorgada)	54	782,92 €	2.311,27 €	1.733,45 €	1.000,00 €	782,92 €	33.87 %
XXXIII Festa do Socio (xa outorgada)	58	840,91 €	4.377,43 €	3.283,07 €	3.000,00 €	840,91 €	19.20 %
UNDER CABRAL 2023	63	913.40 €	16,350.00 €	12.262,50 €	3,000.00 €	913.40 €	5.59 %
TOTAL						2,537.23 €	

FUNDAMENTOS

A Lei 39/2015 de 1 de outubro do Procedemento Administrativo Común das Administracións Públicas, no artigo 109 permite ás administracións rectificar en calquera momento de oficio os erros materiais de feito ou aritméticos existentes nos seus actos.

De acordo co establecido no artigo 21.4 da Lei de Subvencións de Galicia, da información que obra en poder do órgano de instrutor despréndese que a entidade beneficiaria cumpre cos requisitos necesarios para acceder a subvención.

Á vista do exposto, e de acordo co establecido na base oitava, punto 5 das bases, previo informe da Intervención de Fondos e coa conformidade do concelleiro da Área de Parques e Xardíns, Comercio, Participación Cidadá e Festas Especiais, faise á Xunta de Goberno Local a seguinte

PROPOSTA:

PRIMEIRO.- Rectificar o acordo da XGL de 16/02/2024, de xeito que, onde dicía:

Onde dicía:

" (...) Liña 2: Actividades Socioculturais relacionadas coas artes escénicas:(...)"

Expte.	ENTIDADE	CIF	Programa	Importe subvención
9896-335	Asoc. Veciñal Cultural e Deportiva de Cabral	G36651073	Fogueira de San Xoan XXXIII Festa do Socio	782,92 € 840,91 €

Debería dicir:

"...Liña 2: Actividades Socioculturais relacionadas coas artes escénicas:(...)"

Expte.	ENTIDADE	CIF	Programa	Importe subvención
9896-335	Asoc. Veciñal Cultural e Deportiva de Cabral	G36651073	UNDER CABRAL 2023 Fogueira de San Xoan XXXIII Festa do Socio	913,40 € 782,92 € 840,91 €



Copia do documento - Concello de Vigo	Data impresión: 03/07/2024 16:29	Páxina 3 de 4
SUBVENCIONS	CSV: A7A25E-BHAB47-B9AAEC-WDTW3T-LNE7Y6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

SEGUNDO.- Aprobar a concesión da subvención a favor da entidade Asociación Veciñal, Cultural e Deportiva de Cabral, pola organización da Festa UNDER CABRAL 2023.

TERCEIRO.- Autorizar e dispoñer o **gasto adicional** de **913,40 euros** a favor da entidade Asociación Veciñal, Cultural e Deportiva de Cabral (G36.651.073) con enderezo social na rúa Ecuador num. 34, 36203 Vigo, Pontevedra segundo resulta dos seus estatutos e da certificación que figura na documentación do expediente núm. 9712-335. Este crédito é con cargo á partida 3380.4890000 (Transferencia a Entidades e Comisións de Festas) do vixente orzamento.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/if.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 03/07/2024 16:29	Páxina 4 de 4
SUBVENCIONS	CSV: A7A25E-BHAB47-B9AAEC-WDTW3T-LNE7Y6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		